

Rwanda – Uganda: Visha Keiz yakoranye Indirimbo na Red-Q

January 21, 2023

Umuhanzikazi Visha Keiz urimo kwigaragaza neza , nyuma yo gushyira hanze indirimbo shya yise “Nyash” avuga ko gukorana n’abahanzi bo muri Uganda biri gutuma umuziki nyarwanda urenga imipaka ukajya no mu bihugu by’abaturanyi. Yavuze ko afite icyizere ko nawe bizamuhira ko agikomeje gukotana.

Visha Keiz wifuza kuba icyamamare muri muzika kuri ubu yamaze gukorana indirimbo na Red-Q umuhanzi w’umugande ugezweho.

Ni indirimbo yitwa “Nyash” iri mu nnyana ibyinitse yakorewe mu gihugu cya Uganda, itunganywa n’abahanzi bo muri icyo gihugu.

Visha Keiz avuga ko yakoranye na Red-Q uri mu bahanzi bagezweho muri Uganda nyuma yo guhurira kenshi mu bitaramo muri kiriya gihugu.

Akomeza avuga ko yiteze umusaruro muri iyi ndirimbo yakozwe mu buryo bw’amajwi na Aban Beats na Sydney Wala watunganyije amashusho yayo.

Visha Keiz avuga ko gukorana n’abahanzi bo muri Uganda biri gutuma umuziki nyarwanda urenga imipaka ukajya no mu bihugu by’abaturanyi akaba afite icyizere ko nawe bizamuhira.